



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Enarratio Epistolæ Prioris Ad Timothevm, Et Dvorvm  
Capitum secundæ**

**Melanchthon, Philipp**

**Vitebergæ, 1561**

**VD16 M 3167**

Alia dißimilitudo.

**urn:nbn:de:hbz:466:1-36308**

multi qui circumcisionem & alias Ceremonias  
Mosaicas retinerunt.

*Alia dissimilitudo.*

In iudicijs politicis utraq; pars obligari potest ante sententiam, ut promittat se obtemperaturam esse iudicato. Sed in iudicijs doctrine in Ecclesia homines pij nequaquam se obligent ante sententiam, Quia homines errare possunt, & sepe maior pars in Synodis est fascinata malis opinionibus, ut in Synodo Syrmienti quanquam speciosa erat, & magni uiri ex Graeca & Latina Ecclesia conuenerant, Tamen insigne erratum accidit, sustulerunt ex Symbolo uocabulum  $\delta\mu\omega\sigma\iota\sigma$ , & pro eo inseri uoluerunt,  $\delta\mu\omega\iota\omega\sigma$ , id est, similis, ut hic Cothurnus tolleret dissensionem, sed quia ambiguitas obscurabat ueritatem & confirmabat Arianos, post Synodum Ecclesiae recte sentientes hanc corruptelam admittere noluerunt.

Non est enim alligata ueritas ad maiorem numerum, nec ad Romanum Episcopum, aut ad Titulum Episcoporum, Quia scriptum est Rom: 2. Deus personam hominis non accipit. Et Ioan: 1. scriptum est, ueram Ecclesiam non esse coetum propagatione naturali ortum, aut humanis colle-



I. EPISTOLA AD

gijis & ordinationibus collectum, ut sunt Episcoporum collegia. Sed ex Deo natū, iuxta hæc uerba Qui non ex sanguinibus, neq; ex uoluntate carnis, neq; ex uoluntate uiri, sed ex Deo nati sunt.

Et multe fuerunt Synodi impie quibus tamen uiri magni interfuerunt, ut illa Syrmienfis & Seleuciensis sub Constantio, Qui cum uocasset Episcopos Nicæam facturos contrarium decretum priori Synodo Nicenæ, Terræ motu dissipati sunt. Postea uerò conuenerunt in Seleucia, ubi maximis contentionibus impia decreta facta sunt contra ὁμοῶσιον.

Talia exempla uetera multa sunt, Utile est & recentium Synodorum errata considerare. In Concilio Lateranensi quod ualde celebratur tamquam ὁμοῶσιον, decreta facta sunt de transubstantiatione, & de enumeratione in confessione, Et recens Tridentina Synodus decretum facit, semper dubitandum esse, an simus in gratia. Et falso detorsit ad hunc errorem dictum Salomonis Eccle: 9. Nescit homo an amore uel odio dignus sit. Cum igitur non dubium sit in Synodo maiorem partem errare posse, nemo se obliget ante sententiam ad obtemperandum iudicato, Sed postea consideret, quid sit pronunciatum, & regulam sequatur, Si quis aliud Euangelium docuerit anathema sit. Galat: 1.



Considerent etiam pij quid multi ueterum de plerisque congressibus iudicauerint, Qualis est illa Nazianzeni Epistola ad Procopium praefectum quam propter iuniores huc adscripsi.

GREGORIVS PRO-  
COPIO.

Sic affectus sum, si uerum scribendum est, ut malim omnes Episcoporum conuentus uitare, Quia nullius Synodi finem uidi bonum, aut qui magis tolleret mala quam auget. Nam cupiditas contentionis ac principatus, et aemulatio, (ne tamen me durum esse censeas sic scribentem) uincunt rationem, et citius aliquis iudicans de nouo crimine ipse accusetur, quam alios corrigat. Propterea me reprimo, et hanc quietem amo, in qua non impeditur inuocatio. Nunc uero et morbum habeo excusantem me in hac accusatio- ne, Subinde tanquam extremum halitum du- cens, et languens toto corpore. Ignosces igitur mihi, et persuadebis pio Imperatori ne tri- buat ignauia, Sed ueniam det aegritudini propter quam scit se mihi precanti tribuisse potestatem, ut me in hunc secessum abderem, cum alia splen- dida officia offerret &c.

Hic dicat aliquis, quid prosunt iudicia Eccle-

H s si, si